

昭

代

興

助



昭代典則卷十五

賜進士太子少保刑部尚書

吳郡陸紳之訂正

書林周曰校刊行

英宗睿皇帝

丙辰正統元年春正月帝御經筵

時中官王振用事考功郎中李茂弘嘗言可憂者君臣之情不通今經筵進講不過應故事以粉飾太平而朕隔蒙蔽未必無意外之虞也遂抗章致仕去

二月命會都御史王錦鎮守陝西○三月賜進士周旋等一百人及第出身有差○命行在兵部左侍郎柴車恭贊

昭代典則卷十五

陝西軍務

先是虜酋朵兒只伯擁衆入寇鎮番副總兵劉廣往援遇虜而退虜隨逼涼州廣閉門不出虜大掠而去廣奏功徵賞車劾其罔上不法諸事請寘之法又劾奏寧夏守將失作詔各械繫至京下獄朝廷以車公嚴執法可

當師帥之任故有是命仍以白金文綺賜之

陞應天府尹鄭瑩爲兵部左侍郎○夏四月河北旱蝗遣工部侍郎邵旻督捕之○五月初設提學憲臣

南北直隸御史各一員各省按察副使或僉事各一員

專勅責成不許巡按御史侵越

事傷失軍民休戚之所當言糾舉邪惡伸理冤枉亦宜所當爲比之庶官所係甚重近年以來未盡得人或道理不明操行不立或法律不通行移不詣或逞小人以張威福或搜細過以陷良善甚至假其權位貪圖賄賂以致是非倒置冤無伸而風紀之道遂致廢弛自今監察御史有濫職及失職者令都御史及各道御史糾舉黜退按察司官有濫職及不稱職者令按察司使及同僚糾舉黜退仍令吏部今後初任者不許銓除風憲凡監察御史有缺令都察院堂上官及各道官保舉務要開具實跡奏聞吏部審察不謬然後奏除其後有犯

昭代典則卷十五

贓濫及不稱職者舉者同罪爾等其欽承勿怠

月陞江西左布政使陳智爲行在右都御史○秋七月從封襄獻王於襄陽淮靖王於饒州○九月內閣張瑄卒○冬十月瓦剌脫歡與其部酋朵兒只伯讎殺○十二月命兵部尚書王驥巡視陝西諸塞

先是鎮守平涼等處都御史羅亨信與都督趙安率峨

挑等備兵巡邊遇虜安與都督蔣貴聽都指揮安敬議

逗留不行亨信至其營責之貴等以芻糧不繼爲解亨

信劾責敬等老師玩寇侵寇軍餉乞正罪以振軍法上乃勅王驥巡邊整飭軍務許以便宣行事

己二年春二月以宋儒明安國蔡沉真德秀從祀孔子

是年佐考察罷御史邵宗宗九載滿在吏部上為原宗

詰佐佐遂請老去家居十餘年卒佐性嚴重守正嫉邪

人知敬憚以兄齊之去

六月行在會都御史曹穆卒

穆由御史陞福建按察使事理寬溫會臺撫家強直

介孤立不可干以私泉州人有李姓者妻吳美舊與富

姻林私李調官廣西林令二僕從李行殺之道中并殺

其姪吳竟適林李宗人訴之郡郡得賂反坐李宗人誣

又訴按察司司得賂如郡十餘年未決公故廉得踪跡

甚詳一訊林即服漳富人許初無子後兄子已而妻有

軀代典則 卷十五 三

子與兄子共三之一托已子許次兄子言妾子非許子

也逐去盡奪其資公大召縣中父老及許宗人詢之皆

曰妾子本許種也兄子始服罪超陞會都御史召入臺

穆自幼舉動異常兒稍長攻苦食淡力學博經史嘗大

書座右咬得菜根百事可做比入官請寄不行問遺並

絕義色正詞清心寡慾蒞政臨民外嚴內恕決疑應變

才氣雄敏歷官中外三十餘年家無餘資沒不能敘

秋九月脫脫不花遣人貢馬厚賜之○虜酋朵兒只伯入

掠甘涼命兵部尚書王驥總督陝西軍務禦之

時朵兒只伯數入塞寇掠甘涼命驥總諸軍與便宜勦

西延至軍中大合諸將戰門問將校畏敵不畏軍令

諸將伏地仰面齊聲曰都指揮安張驥立縛敵

斬驥門遂大閱士伍定更番減輸餉飽士調馬養銳待

虜廣至莊浪即授方略遣出戰稍捷虜引去未幾復

至驥馳至甘州簡副將蔣貴率精騎追擊抵貴曰努力

破賊樹功名否無相見繼遣趙安率兵由東涼州逾白

鴉孤口北抵赤林鐵門諸關為倚角之勢貴還慶石城

兒泉與賊虜敗尚數戰邊近驥曰虜未大剿不畏我不

退去我罷於奔命遣諜知虜巢所在復用貴先鋒驥率

兵與都督任禮等分道出塞期會夾攻轉戰二千餘里

俘虜人畜數千朵兒只伯率數十騎遠走言外上勞驥金幣

台温州知府何文淵為行在刑部右侍郎○今三品以上

軀代典則 卷十五 四

亦官薦堪任方面郡守者

洪武永樂間方面郡守皆令吏部選除至宣德時以藩

臬二司及府州正官多不得人百姓受害故令大臣舉

保行之既久公道者少人有拜官公朝受恩私室之議

乃請復洪武永樂故事上命內閣議之楊士奇請仍從

保舉之例故有是令

戊午三年夏四月宣宗章皇帝實錄成進楊士奇楊榮少

師楊溥少保武英殿大學士王直王英並禮部左侍郎李

時勉錢習禮為翰林學士○五月江北大水

五月江北大水直隸淮揚地方被災鹽課虧少上命巡

撫侍郎周忱往視之忱奏令蘇州等府將撥剩餘米每

府量檢一二萬石運揚州各鹽場收貯數出給運關
准作次年預納秋糧其米聽令運戶將私鹽於附近場
分上納即照時價給米食用於時米貴鹽賤官得權鹽
民得食米上下賴之

追復故汜水縣典史曾泉官

河南參政孫原貞奏故汜水縣典史曾泉始由進士任
御史以事降黜自宣德六年到任廉謹勤能課農勸學
官有儲積民無科擾歷任三年家給人足俗醇訟簡然
其所以裕民者不過用民力因地利以阜其財厚其生
耳聖明在上郡邑率多俊乂然求其如泉者不多得也
臣至其邑泉已沒三年民之懷惠至今稱之乞勅該部

昭代典則

卷十五

五

覈實原其過名追復其官以爲天下士風之勸從之

六月大學士楊士奇等請清解發戍從南北所宜詔廷臣
議行之

楊士奇楊溥楊榮上言今遣御史清軍有以陝西山東
山西河南北直隸之人往南方極邊補伍者有以江浙
閩廣川湖之人往北邊補伍者其水土不相習北人苦
於瘴癘南人苦於嚴寒多致死亡深爲可憫又西北二
邊急於防守而其地勇壯之人乃發戍南方自今邊卒
清解發戍宜從南北所宜庶幾人宜水土兵政有備詔
廷臣議行之時兵部侍郎鄭憲等部事曰此舊制不可
紊稍有變易恐啟弊端各將誰歸竟寢君子謂三楊之

計是矣未免猶以專柄爲嫌而不果於行若鄭憲則
輕自守而不達時宜者也

秋八月順天貢院災

翰林侍講學士曾鶴齡主考順天鄉試初試之名場屋
火試卷有殘缺者有司惟罪不敢以更試爲言惟欲請
葺場屋以終後兩試鶴齡曰必更試然後葺百弊以昭
至公不然雖無所私此心亦欺朝廷可惜一日之費不
成此益眾哉有司具二說以進命下悉如鶴齡所言人
皆囁服是科稱得士云

冬十月召王驥還京兼大理卿掌兵部事封蔣貴爲定西
伯任禮爲寧遠伯趙安爲會昌伯○陞柴車兵部尚書仍

昭代典則

卷十五

六

督理陝西軍務

車盡心邊務數糾劾將佐欺玩或休以後患車曰吾敢
愛身以誤國耶同事者毋不悅其所爲車亦惡其宴樂
忽大計遂斷酒肉澹泊以自處凡宴樂皆不與而持論
益堅據理守正凡有功賞雖勅下必覆驗而後行詐冒
必糾正之岷州土官都指揮后能以家人冒功得陞賞
車奏罷所陞官能復以爲請上宥之車反覆論其不可
曰詐冒如能者非一人臣方按覆皆請罷今有能如餘
人何若無功而得官則捐軀外敵者何以待之詔嘉車
忠誠追賜白金文綺仍進尚書

雲南麓川宣慰思任發叛○十一月以陳敬宗爲南京國

于祭酒

已未四年春正月遣刑部主事楊華往麓川諭思任發下
聽○二月大學士楊士奇展墓尋還朝○三月賜進士楊
鼎等一百人及出身有差○建湖廣巡按御史陳祥下
錦衣獄尋釋之

祥按湖廣益持風紀上言遼王滅絕天理潰亂人倫教
事上怒遣官校械繫下獄論成未幾王事自覺廢為庶
人乃有祥改南京雲南道御史尋陞福建僉事

夏四月倭奴大寇浙東

先是日本來貢人船刀劍不奉約束宣宗諭使臣後貢
毋過三舟使人毋過三百刀劍毋過三十續來貢如約

昭代典則

卷十五

七

束受之及源道義卒命太監雷春弔祭嗣王遣使貢謝
自後方物戎器滿載而來遇官兵矯云入貢貢即不如
期守臣幸無事輒請俯順夷情主客者為畫可條奏即
復許貢云不為例嗣後再至亦復如之我無備即肆出
殺掠滿載而歸宣德末年海防益備賊不得間貢稍如
約逮許夷至京師宴賞市易飽恣其欲已而備禦漸疎
是年寇大入挑渚官庾民舍焚劫一空驅掠少壯發
掘塚墓束孩兒竿柱上沃之沸湯視其啼哭拍手笑樂
捕得孕婦村度男女剝視中否為勝負飲酒荒淫穢惡
至有不可言者積骸如陵流血成川城野蕭條過者聞
淒於是朝廷下詔備倭命重帥守要地增城堡謹斥

修戰艦令兵分番屯駐海上寇盜稍息

五月命黔國公沐晟率兵討麓川思任發都督方政力戰
以之晟還至楚雄卒○召山東右布政使王質為戶部右
侍郎○六月京師大水令戶部侍郎吳望順天府尹姜濟
存問賑恤

勅曰朕承祖宗大統奉順天道以父母斯民為心用圖
安集夙夜匪怠今年五月以來天雨連綿潦水泛溢京
城內外官員軍民房屋有多坍塌低窪者盡行湮沒破
水軍民老幼徬徨無存身之地應有為水所溺為牆屋
所壓而死者困迫已甚而雨猶未止洪範庶徵實由人
事靜思厥咎深切于懷爾戶部委侍郎吳望順天府委

昭代典則

卷十五

八

府尹姜濟存問軍民被水之家及有人口壓溺死者具
奏量加賑恤工部委侍郎邵昇都察院委僉都御史曹
翼六科其推舉廉正給事中二員一同踏勘京城內外
高爽之地及比先營造殿房今可歸併者斟酌歸併以
其地分給軍民居住工匠有見餘在官今房屋為水塌
塌者免役兩箇月使之修葺等受朕職任互體朕仁
民恤患之心毋徇請託毋肆欺蔽必公必正使民生得
所天意協和庶副朕之委任欽哉

南京諸臣修省求直言
皇帝勅諭南京守備襄城伯李隆泰贊機務兼戶部尚
書黃福及五府六部都察院等衙門官朕承大統夙夜

張勳惟天惟祖宗付託之重不敢怠逸比年以來停罷一切徵斂除通負薄刑罰所冀四方咸遂生息今歲以來災沴數見京畿尤甚兼以各處水旱相仍軍民困苦洪範咎徵皆由人事此蓋朕不德所致也修省兢惕勉圖善道爾等皆與同休自今其體朕心以敬天愛人爲心毋懈夙夜夫特廉貪者書身之本至公絕私者政之要欽哉勗哉無懈朝夕庶幾以回天意以固宗祚生民之福爾等尚亦有利哉凡軍民一切利病及今可以濟時恤患除奸去弊之事許諸人指實直言無隱翰林院編修劉定之應詔陳言留中

昭代典則

卷十五

九

公至正久而無弊信賞必罰不爲苟且二言公卿侍從

宜時常召見俾承清問因以觀其才能察其心術而進退之三言降胡近處京畿宜漸分其類移置南地四言宜以京官出任郡縣使民得蒙循良之政五言宜倣唐制朝官陞任之時奉賢良自代六言武臣子孫宜習韜略七言守令之官宜詳加察八言安富恤貧九言丁憂

宜令終制十言宜遏僧尼疏留中不下

陞蘇州知府况鍾吉安知府陳本深各正三品俸

○食都御史王朝巡撫四川叅贊軍務○秋八月

丙子朔日有食之○冬十月廢遼王貴烺爲庶人

先是府臣爲貴烺乞加祿上言簡王得罪朝廷太祖時

加厚貸制其儀衛止與衮尉三百人仁宗命今王嗣修加祿得支二千石宣宗又與旗軍三百人朝廷親親已至王於庶母諸弟寡恩府臣不聞匡正直爲王請加祿不允至是坐絕滅天理賣亂人倫廢爲庶人

命戶部遣官平糶倉儲修復水利

楊士奇等上言堯舜之世不免水旱而堯湯之民不開困瘁者有備故也我太祖皇帝篤意養民備荒有制天下郡縣悉出官鈔糴穀貯倉以時散賑又相其地開濬陂塘修築堤壩以備水旱小大之民各安其業歲久弊滋豪猾侵漁設盡倉毀凡諸水利亦多湮廢或被占奪稍遇凶荒民無所賴風憲官不行舉正守令漫不究

昭代典則

卷十五

十

心事雖若緩所繫甚切請擇遣京官廉幹若往督有司凡豐稔州縣各出庫銀平糶儲以備荒陂塘堤壩皆令修復具實奏聞郡縣官以此舉廢爲殿最屬憲官巡歷各務稽考仍有欺蔽怠廢者具奏罪之庶幾官有備荒之積民無旱潦之虞仁政所施無切於此上曰此祖宗良法美意也命戶部急行之

十一月造渾天磨璣玉衡簡儀○降福建食事廖謨爲府

同知

福建食事廖謨杖笏驛丞楊溥欲坐以償命楊士奇欲

擬以因公致成互爭不決請裁于太后王振因而進言

謂溥與驛丞同鄉士奇與食事同鄉未免皆有私意

命過重因公過輕宜對品降僉事為府同知太后聽之
自是振漸撫內閣之過而權歸掌摺矣○按自古小人
竊柄必觀上行事偶以一二中其肯綮然後以漸入之
王振蓋其故智

十二月徙荆王憲於蘄州○刊布憲綱于中外諸司

朝廷建風憲之任耳目綱紀之寄所以肅百僚而貞百
度也憲綱之書肇於洪武厥後官制不同所宜因而改
畫而中外憲臣往往有任情增益者我皇考宣宗章皇
帝臨御臣下屢以為言遂勅禮部同翰林儒臣考洪武
舊文而申明之并洪武永樂以來祖宗所考風憲事體
著在簡冊悉在其中永示遵守而益之以訓戒之言凡

昭代典則

卷十五

十一

出臣下所自增者已削去之書成先皇帝上寘未及頒
行朕嗣位之初切以風憲為重勅有司嚴選務在得人
今外之憲臣復以憲綱為言朕今於先朝所考之中以
見行事宜爾禮部即用刊印頒布中外諸司遵守爾都
察院其下各道御史及在外按察司官欽遵奉行其洪
武以後憲綱凡係臣下自增者不用敢有故違必罪不
恕欽哉

庚申五年春正月甲辰朔日有食之○叅贊機務少保南
京戶部尚書黃福卒

福秉心正大義利介然天下士大夫無論識不識皆知
其為君子斥奸闢諛無所顧忌憂國忘家老而彌篤

二年春正月以王直為吏部尚書○以王英為禮部

左侍郎馬昂為刑部右侍郎調吏部侍郎魏驥於禮部○
夏四月雷震奉天殿

勅勉群臣曰朕以菲德嗣承祖宗大統國家事重負荷
推難顧難之誠不遑夙夜茲五月二十四日雷震奉天
殿鳴吻上天垂戒厥有所由朕省躬思過內懷懼切於
心以勉圖自新夫朝政得失亦惟爾文武群臣是賴豈
朕一人所能獨理顧茲災咎之由豈祀典之官誠有弗
至敷養民之職政有失當敷軍旅之臣令有過苛歟銓
選之任進退有乖歟賞罰之行明公不足歟至於刑罰

昭代典則

卷十五

十二

之過尤干陰陽之和訴冤有司抑而不理指告有禁違
例故行或操已不潔受人賄囑或昏懦不明為人脅制
枉誣平人傳致其罪冤苦之聲充於閭閻上天降譴寧
不由斯爾群臣皆同國休戚卽革心改慮勉効自新掌
祀禮者務隆誠敬職養民者務惇仁厚治軍旅者務存
寬恤任銓衡者務須正直持風憲者必秉至公存大體
保善去邪毋苟徇私進退賞罰之官猶須持廉秉公心
存忠厚見繫之囚但曾經訴冤者悉與辨理有議擬違
重者亦與清減務歸至當必使服心乃可回天意自今
刑罰務存平恕庶幾以輔朕于治經曰與其殺不辜寧
失不經爾等勉之如不遵朕言不悛前過不有陽罪必

已自後無人敢復祖宗之舊迄今遂為定制

辛酉六年春正月己亥朔日有食之○以定西候蔣貴為征夷將軍太監曹吉祥監督軍務兵部尚書王驥提督軍務郎中侯璉主事楊寧隨軍贊畫討思任發○二月命金都御史王鞠鎮守陝西○大學士楊漣展墓還朝○夏六月陳智免以王文為右都御史○秋七月丙申朔日有食之○冬十月奉天華蓋謹身三殿成○十一月定都北京除行在字

十一月定都北京上御奉天殿朝群臣大赦天下詔京師各衙門除行在之稱永樂初議遷都設六部等衙門各稱行在十八年定都于北除行在二字其舊在南京

昭代典則

卷十五

十三

者如南京二字洪熙初仁宗欲都南京而北京各衙門復稱行在至是宮殿完仍定都北京復除行在二字遂為定制

蔣貴王驥等進攻麓川思任發走緬甸遂旋師○右副都御史吳訥致仕○閏十一月以李時勉為國子祭酒○十

二月脫脫不花及脫歡子也先遣使貢馬

壬戌七年春三月賜進士劉儼等一百五十人及第出身

有差○論麓川功封蔣貴為定西侯王驥為靖遠伯侯璉

為禮部右侍郎楊寧為刑部右侍郎贈方政威遠伯諡忠毅

殺

麓川本百夷僻遠不當中國一郡驥統兵十五萬

半天下至雲南大暑眾請且拔兵驥曰賊方熾毒吾民

行不可緩敢阻軍者斬部置至金齒分三道擣上江上

江者賊巢也攻三日不下舍大風縱火焚賊柵乘勢力

戰斬首五萬賊退走保險拒我我兵深入破連環七紫

於沙木籠山又破其象陣馬鞍山思任發遁移兵討葦

郎驥率郎羅者維摩賊僭稱廣新王驥遣偏師抵賊境

言王尚書大軍且至賊黨潰葦郎羅走安南傳檄且入

安南追賊安南人懼斬其首并縛妻子來獻七年班師

還京封靖遠伯食祿一千二百石世指揮同知

命僉都御史王翱提督遼東軍務○夏六月庚寅朔日有

食之○少師工部尚書吳中卒

昭代典則

卷十五

十四

吳中奏對聲音宏亮丰姿為厚望之者知為享爵祿之

器但貪財鉅萬嬖妾數十人而其妻素嚴正中憚之不

敢犯一日聞諸逆於家其妻拜畢呼子曰將吳中一軸

語來宜之我聽問左右曰此語詞是主上自言耶是翰

林代草耶曰亦翰林代草也嘆曰翰林先生果不虛妄

吳中一篇語文正說他平生為人何嘗有清廉二字中

聞之雖悲強笑容而已

秋七月吏部尚書郭璉罷

璉在吏部嘗值旱蝗侍臣言大臣尸位妨賢內批令自

陳諸大臣遂皆乞去謝天譴璉獨不可曰主上冲年吾

三皆先朝委任受寄託一時請去誰與共理臣引罪乞

政過老矣官至冢宰豈敢貪位顧君臣恩義如此衆是其言疏上盡留諸大臣至是請老璉秉銓十四年名不及憲義然廉務採實行不用浮薄游譽之士雖爲內閣所侵能堅忍持正自行其志

九月始置太倉銀庫○冬十月太皇太后張氏崩

太皇太后遺詔告自洪武中配仁宗昭皇帝三十餘年爲未亡人十有八年今命止此得全歸以從先帝於地下足矣允惟國家重事存沒在念皇帝聰明孝敬仁厚剛果爾內外文武群臣宜盡誠輔導夫天下者祖宗之天下軍民者祖宗之軍民惟愛人爲保國之本惟施仁爲愛人之道爾群臣咸佐皇帝惇行仁政各秉厥公忠

胎代典則 卷十五

十五

誠勤慎不懈庶幾克濟宮中大小庶務悉奏皇太后而行諸后妃家並須遵奉皇祖訓戒不許干預國政吾素無德及下身沒之後喪服悉遵仁宗皇帝遺詔以日易月二十七日而除哭臨三日卽止君臣皆同不可故違皇帝宜念萬幾之重群臣當共慰勉毋得過哀成服三日後卽聽政天地宗廟社稷之祭不可以卑廢尊及百神之祀皆循常制勿停宗室諸王藩屏爲重毋輒離本國但遣人進香不必送葬在外大小文武衙門並免進香中外臣民之家勿禁音樂嫁娶悉遵行之毋違尊慈誠孝恭肅明德弘仁順天啟聖太皇太后○初皇廟前張太后卽命將宮中一切玩好之物不急之務悉皆罷

裁禁中官不許差遣有詔凡事皆必白于太后然後施行委用三楊政在臺閣太監王振雖欲專而不敢也每數日太后必遣中官入閣問連日曾有何事來陳確卽以帖開某日中官某以幾事來議如此施行太后乃以所白驗之或王振自置不付閣下議者必名振責之正統數年天下休息皆張太后之力人謂文中堯舜信矣

雲南思任發復反以定西侯蔣貴爲總兵官靖遠伯王驥提督軍務討之

思任發自緬甸復反仍以驥督軍務發卒轉餉三十萬人討思任發貴等至雲南檄緬令縛送思任發緬人懷

胎代典則 卷十五

十六

詐黨惡匪思任發不遣貴等促兵攻緬破思任發遁去乃革麓川宣慰司設隴川宣慰于隴把遂班師加貴驥各歲祿三百石驥復議益兵十二萬於雲南邊境令蔣貴總之以俟麓川思任發來降乃罷否則攻之○按李賢曰麓川初叛適王振操柄欲逞其忿楊士奇等議謂遠夷不足較且爲耕守計振不從與兵部謀王驥阿振意遂興兵驥督東南兵十五萬給餉者倍之窮其巢穴而思任發不可得發寨而還殺無辜十數萬且以爲功封靖遠伯以次陞者萬餘未幾寇勢復盛驥再起兵如前東南騷擾軍民疲弊殆不可言復窮其所思任發又不可得而還賞功陞秩復倍於前麓川不如中國一

大縣縱得其地與人有何利益而連歲與兵軍需所費
與夫陞秩之俸各萬萬不可勝計所得較所失誠不忍
言兵連禍結貽害生民人以騷爲功之首其實罪之魁
也○翰林侍讀劉球疏云臣聞王者之師不勝忿於一
快必慮勝於萬全所以無敗事而有成功也今者中外
大臣議欲益兵十二萬於雲南邊境以俟麓川寇思
任發來降乃罷否則攻之臣竊以爲是則徒欲逞忿而
非萬全之慮也向者大兵兩蹕寇境皆不得大逞而還
者蓋以其地僻遠阻山跨谷道途險塞又有瘴毒之患
中土之士被甲持杖負糧荷弩越數千里而至彼疲困
不堪飲食不充水土不習疾病荐生又驟與敵遇故未
交鋒而剛猛敢鬪之氣十已消其七八兼以將帥不和
行師失律所以無功誠非兵少所致也今雖益兵然役
險遠如故分道以進則山廣而援不接併力以攻則地
隘而衆莫容是皆兵法所忌况寇以逸待勞覘測形勢
得便則出抗王師失利則遁入谿谷豈不坐老我師若
但宿兵境上以待其降尤爲不可夫兵凶器未宜輕動
語曰軍旅之後必有凶年謂其愁苦之氣傷陰陽之和
必致水旱蝗蟲之災其爲患如此况可輕動以害之乎
若暴露十二萬衆於萬里之外以冀小醜之降是輕動
兵而嘗寇也又兵法有曰千里餽糧士有飢色是言糧
餉不可不預備也今致雲南之米於金齒每石須費數

石民苦連輸軍多缺食若復益兵則運愈苦而食愈缺
安保士之無饑色耶故臣謂其徒欲騁忿而非萬全慮
也春秋之法不治夷狄三王之道不困中國以事外夷
故漢文棄尉佗寇邊之怨先帝釋黎利叛逆之誅率用
是道以致中國寧而四夷安其所臣竊以麓川本鳥言
獸心之夷雖不來歸不足爲國恥何足與較勝負哉雖
弘天地之心置之度外不爲失也必欲懲之則宜忍一
決之忿以圖萬全之策選用良將輔以能幹文臣如趙
充國屯田以降叛羌故事因雲南見操之兵或益以附
近萬餘分屯沿邊地方厚其糧賞給以農用之物務使
兵民相安以耕以守仍通好於木邦车里諸夷以爲外
援俟寇出沒即加勦攘倘其服率則以禮納或終不悛
則三二年後糧積有餘士卒熟其嚮道別議大舉仍詔
雲南郡縣及各土官使明知聖意欲暫息兵休民將聞
後舉是雖不能速於成功亦必不致敗事伏望皇上憫
臣愚昧察臣所言如果無害於事有益於國可便於民
則請罷益兵之議行屯田之令仍勅所司選將命官各
務得人授用給賞必存至公毋應故事而已
是年建文帝還居京師寺中

建文帝出滇南至廣西一日在某寺呼寺僧謂曰我建
文皇帝也寺僧大懼白宣府迎至藩堂南面跣足坐地
自稱朱允炆曰胡濙名訪張儼傷爲我也衆聞之悚然

聞於朝乘傳之京師有司請以王禮見比至上遣內暨
往視咸不識建文帝曰固知爾曹安得及事我耶吳誠
在無象以白上命誠往見誠亦遲疑建文帝曰不相見
殆四十年亦應難辨矣吾語若一事昔在某年月日吾
御某殿汝侍膳吾箸快一爵賜汝汝兩手皆有托持不
能按吾擲之地汝伏地以口啣取食之汝寧忘之耶誠
聞大慟反命言信也上命迎入大內養某寺中以壽終
葬西山不封不樹程濟隨至京莫知所終云建文帝嘗
賦詩曰流落西南四十秋蕭蕭華髮已盈頭乾坤有恨
家何在江漢無情水自流長樂宮中雲氣散朝元閣上
兩聲收新蒲細柳年年綠野老吞聲哭未休或曰帝頂

賜分賻族姻屬續之日室無百緡後贈太保謚忠宣
襄城伯李隆提督京營豐城侯李彬守備南京○二
行在翰林侍讀學士馬愉侍講曾鼎並直文淵閣
先是王振謂楊士奇等曰朝廷事虧三楊先生然三公
亦高年倦勤矣其後當如何士奇曰老臣當盡瘁報國
死而後已榮曰先生休如此說吾輩衰殘無以效力行
當擇後生可任者以報聖恩耳振喜翌日即薦曹鼎而
衷陳循高穀等遂次第擢用士奇以榮當日發言之易
榮曰彼厭吾輩矣吾輩縱自立彼豈自己乎一日內中
出片紙命某人入閣則吾輩束手而已今四人竟是我
輩人當一心協力也士奇服其言

夏四月立存儲帝服璽法○秋七月少師工部尚書兼
身殿大學士楊榮奏遷三帝山陵累從出塞屢受遺旨
榮總裁四朝實錄三帝山陵累從出塞屢受遺旨
撫順討逆羈勒里連籌設險折獄理財隨捷應變請
更不撓濟險解紛調停有術果而能容謀而善斷內行
修謹胸度圓融祿厚財豐瞻瞻窮賤賢恩皆歸心
焉以展墓還至武林卒贈太師諡文敏○白太妃相傳
列聖臨朝每至日晏不遑退食惟欲還國聽以來天下
之望示以幼冲卽位三朝老楊榮楊士奇等慮聖體
易傷因創權制每日早朝止許言事八件前一日先以
副詣閣下彙以各事處分曉上遇奏止依所陳傳旨而

有陰誅天道顯明其可忽乎其可遠乎

大監王振繫大理寺少卿粹瑄于獄論歎

瑄為山東提學僉事王振問三楊吾鄉誰可為大臣者

皆薦瑄召為大理右少卿三楊以用瑄出振意欲瑄去

見振瑄正色曰安有受官公朝而拜恩私門乎振聞憾

瑄會有獄夫病歿三年其妾欲嫁其私人王山山振姪

也妻在持妾弗得嫁遂誣妻毒殺夫下御史獄坐妻歿

瑄辯其冤三駁臺官誦事振又曲庇御史劾瑄受賄棄

律出人死請廷鞫振喜曰是固應歿竟坐瑄死繫獄瑄

怡然讀易不輟得大臣伸救又家人乞代歿得免歸田

封元臣宋儒吳澄為臨川郡公從祀孔子廟庠

昭代典則

卷十五

壬

從揚士奇之議也孔門之教以倫為重國家祀典取其
有益於風教者吳澄忘宋事元無君臣之倫而為風教
之玷者也揚士奇以鄉里之私敢於欺君罔聖如此

立皇后錢氏○瓦剌順寧王脫歡歿

脫歡之子曰也先當是時脫脫不花弱而也先強盛也

先又以其子妻脫脫不花數年間挾脫脫不花遣人並

入貢馬得賜金帛無義使人皆館京師逾春始遣還遂

桀驁不恭時時殺掠道路我往來通事人變詐出好語

告以中國虛實也先因與通事人言吾有子請婚南朝

公主通事人謾曰為若奏皇帝皇帝許爾矣也先大喜

誇諸酋曰吾且進聘禮

名右都御史陳鑑還掌院事命左都御史王文巡撫陝西

○五月陞王翔為副都御史仍撫遼東提督軍務○畿內

旱蝗○六月甲申朔日有食之○大監王振殺翰林侍讀

劉球

張太后崩大監王振遂無忌憚作大第于皇城又作智

化寺于居東以祝釐自撰碑始弄威福是年雷震奉天

殿鳴吻翰林侍講劉球上言十事一日勤聖學以正心

德自古聖哲之君動與天合而雨暘寒暑無不時若以

能專志問學於一切無益之事悉屏不御所以私欲盡

去天理昭著心得其正而天不違中唐所謂致中和天

地位焉萬物育焉是也臣願皇上以古聖哲之心為心

昭代典則

卷十五

廿二

視朝之暇御經筵之日多居宮苑之時少所謂無益之
事悉置意外惟數進儒臣講求至理為盡精一之功推
極修齊治平之道使學問功至理欲知然則聖心正而
天心無不順矣二曰親政務以總權綱夫政自己出則
權不下移故太祖太宗每早朝罷及晚午二朝必進大
臣於左順門或便殿親與裁決庶政或事有疑則召堂
務之臣商確之而自折其衷所以權歸於上皇上臨御
九年事體日熟願守二聖之成規復親決之故事庶幾
權綱有歸而政唯一矣三曰別賢否以親正士諸葛孔
明日親賢臣遠小人此先漢所以興隆也故願治之君
無不樂有正人君子為之親信以贊其治而益其明今

內外之臣不能無賢不肖惟皇上察之於已詢之於人賢而親之不肖卽遠之則君子日進小人日退矣四選禮臣以隆祀典今之太常卽古之秩宗必得寅清端重明習禮典儒臣爲之然後可交於神明故舜命伯夷伯夷猶讓於夔龍誠以是職不易稱也今太常卿與少卿久缺未選無乃享祀之禮有乖宜選儒臣爲之庶祀典克修五曰嚴考覈以督吏治自三代以下省方之禮廢而郡縣之吏不敢肆田野之民得其安者以數遺繡衣採訪等使巡行郡縣以察吏得失問民疾苦也洪武永樂間亦嘗行之近年多付此任於布按二司及巡按御史其所考察徒文具爾以故吏無善政民多失業至

耶代典則

卷十五

廿三

於軍衛之臣爲害尤酷誠宜選擇公明廉幹廷臣分行天下自三司郡守而下無分文武官吏俱得考察其果奸墨無狀且實黜退若有廉能仁恕治行過人亦乞旌異庶人有勸懲而吏治修舉六曰慎刑罰以彰憲典古者人君不親刑獄而悉付之理官所謂予曰辟爾惟不辟予曰宥爾惟不宥惟厥中蓋恐徇喜怒有所輕重於其間以致刑失其中也近者法司所上獄狀有奉勅者減重爲輕加輕爲重者法司不敢執奏至於訊囚之際又多有所觀望以求合聖意是以不能無枉臣竊以爲一切刑獄宜從法司所擬說有不當調問得情則罪其原問之官其運磚納米贖罪則又非古法且使貪者

倖免而廉者蒙辜宜令法司今後文武之臣除犯公罪許贖罪其餘依律問擬則刑罰中而憲典彰矣七曰罷管作以蘇人勞夫土木之工不息則天地之和有乖故春秋於勞築之事悉書以示戒爲此也今京師管作之興已五六年雖不煩民而皆役軍然軍亦國家赤子賴之豐暴而起鬪豈宜獨役而不加恤況各衙門皆已更新宜罷其工庶人力得蘇八曰寬通賦以閭民窮周禮荒政十二薄征其一也近者各處報水旱荒災乞減租稅而有司准減亦徒事虛文民不得受實惠以致窮困流徙者日益多宜令戶部遇有報荒卽與勘實量減其租仍思所以安養流民使不失業庶民窮有濟九曰息

耶代典則

卷十五

廿四

兵威以重民命夫兵凶器動必傷人不可輕舉漢高帝以武定天下非不善兵然被匈奴白登之挫終不報怨以兵興必傷人也如麓川連歲甲兵歿者十七八重賞爵賞不可勝計今瘡痍未瘳又遣定叵侯蔣貴總之以事緬甸受其所拘首寇思任發借彼言果信縛寇以歸不過獻諸廷礫諸市梟諸通道而已然彼挾以爲功必求與木邦分有麓川之地不與則致怨與之則兩夷上地人民各增其半其勢生大將不可制是減一麓川生二麓川也設有疎虞則兵爭無已歿者必多臣見皇上每錄歿囚多憫之而免令充軍仁心若此眞足與天地好生之心合矣今欲生得一夫地之廣寇而驅十餘萬

無罪之人以就死地豈不乖好生之仁哉况寇子思機發在麓川已嘗遣人來貢有悔過祈免之意若勅靖遠伯王驥遣人往諭撫綏不煩動衆生致此寇只斬寇首來獻即與厚賞仍令思機發盡削四面之地與各寨新附之夷掌之許以小職仍居麓川則兵不用而此方可自寧息臣以爲宜召還將貴并止四川湖廣貴州之兵用全億萬生靈之命十日修武備以防外患大易有曰思患而預防之蓋能防患於前斯可無患於後今北虜比年入貢然遣來之人歲增無減其包藏禍心誠所難察一旦率彼烏合之衆長驅入寇爲患已深不可不預防之莫若於閑暇之時數遣給事中御史於在京及沿邊閱督標備預使借工各廠及服役私家軍上悉就訓練仍公武舉之令以求良將定召募之法以來武勇廣屯田之規收中鹽之利以厚儲蓄庶武備無缺而外患有防凡此十者皆今日之急務所以昭格上天致太平之慶者伏惟聖明裁之王振怒球言總權綱爲詆已也欲置球於死地不得會翰林修撰董璘乞爲太常卿事神下詔獄而球疏中第四事偶言太常官必得儒臣馬順附振喜曰此可并殺球矣遂酷考璘誣服球爲畫此疏者矯旨逮球當朝捽球去球不知何坐大呼死訴太祖太宗縛球至暗獄中斧鎖暴下支解其體備極慘毒球魂附馬順子數順之罪順不自安命緇流誦經度之由

一是廷臣微譏輒見斥謫兵部尚書徐燾工部侍郎王佑儉邢小入首開趨附之路百計劾勤極盡詭媚之態王佑貌美無鬚媚事王振振甚眷之一日問佑曰王侍郎爾何無鬚佑對翁父無鬚兒子豈敢有鬚問巷間之傳笑謔宣言於衆吾輩不進見致禮者必且得禍衆聞之皆具金銀進見初惟府部院寺大臣後百執事及在外郡邑庶職無不進有輒致千餘金者遂以爲常矣一夕召兵科給事中蔣性中至一處有門南向甚宏麗蔣自東橫行詣門遙見都御史陳鑑王文跪門外儼首向北性中以爲上在步稍後微聞二人連諾而起急趨而東蔣遇而問曰上在耶二人曰王太監也蔣既見乃是索遼東地圖言畢蔣遽趨出是圖乃太宗朝所畫久藏兵科後來圖籍厝壓其上甚多尋之數日方得送上不知其何用也後有曰李御史者因見振不跪坐事送錦衣衛獄捶之幾死取圖欲發極是充軍振之作威如此秋七月大監王振枷國子監祭酒李時勉于監門尋釋之時勉爲國子祭酒做胡安定教條隨其器而造就之諸生勃然興起人才遂盛於一時其待諸生恩義兼盡可病者委醫調治歾者助其棺衾爲文以祭之王振怒其持儒禮搆以罪枷于監門諸生不忍願代者甚衆獲免未幾乞歸士林高之亦可謂明哲保身矣八月致仕太子賓客國子祭酒兼翰林侍講胡儼卒○九

月倭寇浙東按察僉事陶成整飭海道率兵平之○冬十月徙封鄭靖王於懷慶○十一月壬子朔日有食之○故后靜慈僊師胡氏卒

甲子九年春正月新建太學成帝視學謁先師○三月少師兵部尚書兼華蓋殿大學士楊士奇卒

士奇晚年昵愛其子莫知其惡最爲敗德若藩臬郡邑或出巡者見其暴橫以實來告士奇反疑之必與子書曰某人說汝如此果然即改之子穆於是得書反毀其人曰某人在此如此行事男以鄉里故撓其所行以此誣之士奇自後不信言子之惡者有阿毀譽子之善者即以爲實然而喜之由是子之惡不復聞矣及被害者

昭代典則

卷十五

廿七

連奏其不善狀朝廷猶不忍加之罪付其狀于士奇乃曰左右之人非良助之爲不善也已而有奏其人命數十惡不可言朝廷不得已付之有司時士奇老病不能起朝廷猶慰安之恐致憂至是士奇卒乃諭其子于法斬之鄉人預爲祭文數其惡天下傳誦文貞爲本朝相臣巨擘列于宋之公卿終有愧焉昔王文正以張師德兩造其門惡其奔競終身不用文貞必以造門者舉之甚至人舉所知自以爲不知而沮之宜恬退自守者不出其門也文彥博以唐介攻已被謫再三申救後卒舉用文貞以攻已者爲輕薄生事必欲黜之禁錮終身也與二公所行何相遠哉

夏四月以翰林學士陳循直文淵閣○大旱遣官禱雨于岳鎮海瀆○五月命刑部右侍郎楊寧叅贊雲南軍務○秋七月兀良哈三衛寇邊命成國公朱勇興安伯徐亨都督馬諒陳懷分道出塞擊敗之○加朱勇太保進徐亨伯爵爲侯封馬諒爲招遠伯陳懷爲平鄉伯○閏七月初天下修葺應祀壇廟○冬十月丙午朔日有食之

乙丑十年春三月賜進士商輅等一百三十人及第出身有差○夏四月朔日有食之○冬十月進內閣曹鼐吏部左侍郎陳循戶部右侍郎馬愉禮部右侍郎以苗衷爲兵部右侍郎兼侍講學士高穀爲工部右侍郎兼侍講學士並直文淵閣○以錢習禮爲禮部右侍郎○十二月命刑

昭代典則

卷十五

廿八

部右侍郎薛希璉巡撫保定等十二郡丙寅十一年春正月始於各省皆以內臣鎮守洪武中內官僅能識字不知義理永樂中始令吏部聽選教官入內閣教書正統初王振於內府開設書堂選翰林檢討正字等官入教內官始多聰慧知文義者自王振竊弄威權干預外政於是各省鎮守并督管掌兵及經理內外倉場與提督營造珠池銀礦市舶織染等事無處無之永樂年間差內官到五府六部稟事內官俱離府部官一夫作揖路遇公侯駙馬伯下馬傍立自後呼喚府部如呼所屬公侯駙馬伯路遇內官反迴避之矣

三月河南山西巡撫侍郎于謙降大理寺左少卿尋復職

于謙在梁晉間年久上章舉參政孫原貞王來以自代時太監王振用事于謙素無餽奉振遂嗾言官劾其擅舉自代降大理寺左少卿罷巡撫河南山西之民間之赴闕乞留復命巡撫

夏四月朔日有食之○倭寇浙西○秋七月少師禮部尚書宋武英殿大學士楊漣卒

先是太皇太后張氏聽政三楊士奇榮漣居輔弼凡朝廷大事皆自閣下處分數年間政治清明為本朝之極盛王振每承命至文淵閣三公與之言振必立受自張

昭代典則

卷十五

九

太后崩楊榮繼卒士奇以子稷堅臥不出漣唯一人當事亦年老勢孤繼登庸者皆不能自樹于是內閣之柄悉為王振所攘生殺予奪盡在其手矣三楊士奇為西楊榮為東楊漣為南楊是年漣卒贈太師諡文定

八月作畧影堂○吏部尚書王直侍郎趙新曹義掌光祿寺事戶部侍郎奈亨下獄禮部侍郎錢習禮署吏部事○

九月以鄭瑩為兵部尚書○冬十月閱武近郊○十一月命京營總兵襄城伯李隆帥師巡邊○十二月召楊寧還命禮部侍郎侯璉參贊雲南軍務

丁卯十二年春二月國子監祭酒李時勉致仕以蕭鐵為國子祭酒○河南山西巡撫于謙丁父憂尋命起復以為

兵部右侍郎協理部事○以都督僉事右亨為參將

萬全

亨伯父嚴寬河衛指揮僉事無子亨嗣之善騎射有膽略提大刀輪舞如飛每從征挺刃當先輒立奇功累陞都指揮使姪虎亦驍勇能挽強弓善揮斧以官舍從亨有功授大同衛鎮撫是年亨陞都督僉事為大同左叅將守萬全彪亦陞指揮使從亨參謀

夏五月陞王翱右都御史仍提督遼東軍務○六月禮部右侍郎錢習禮致仕○秋七月河決張秋潰沙灣入海尋決榮澤入淮命工部尚書石璞治之○八月朔日有食之○九月內閣馬倫卒○冬十月浙江處州賊葉宗留反命

昭代典則

卷十五

三十

僉都御史張楷討之○太監王振逮霸州知州張需下獄

謫戍

霸州民多游食需教之種粟麥桑棗令紡績畜雞豚民皆勤力不一年生理日滋畿內蝗作捕之有法吏部侍郎魏驥巡視至其地異之以其法下諸州縣人皆便之有牧馬者生事擾民需答之其領牧者諸於王振遂捕需下獄答筆幾戍謫戍邊城

南京右都御史周銓及十三道御史並下獄

銓先督南京糧儲時諸御史嘗劾其貪暴深憾之及掌院事置功過簿督責諸御史諾且而言日晏不輟御史范霖楊永等不能堪乃合疏言銓不法事詔徵銓詣獄

銓亦討奏諸御史俱逮至未白而銓念得心疾久於是諸御史或降或謫而霖永以首建議獨得重罪永亦念

成獄中霖以恤刑得減死出獄數日亦卒
戊辰十三年春二 朔日有食之○三月賜進士彭時等一百五十人及第出身有差

彭時上表謝恩之夕坐以俟旦隱几不寤竟失朝糾儀御史奏令錦衣衛等禮書胡濬出班奏狀元彭時不到合着錦衣衛尋上是之

夏四月福建寧化賊鄧茂七友遣總兵劉聚副總兵陳榮帥師會都御史張楷監軍事討之

鄧茂七建昌人初名鄧雲豪俠爲衆所推因殺人官捕
耶代典則 卷十五 三十一

之逃入福建寧化縣陳正景家改名茂七聚衆集會願指殺人縣官捕之遂拒捕率黨劫上杭攻汀州據杉關攻光澤縣大掠順流而下攻邵武府掠其庫藏數日至順昌縣時福建參政宋彰交趾人與中官多故舊侵漁以萬計餽送王振遂陞左布政使抵任計營所費驗戶歛之貧乏不堪者苦爲所迫於是尤溪爐王蔣福成號集居民劫取聚落旬日至數萬人遂襲尤溪據縣治與茂七聲援相聞進劫沙縣將攻延平巡按福建御史汪澄至延平聞賊勢已熾即回會省刷卷御史張海在延平被圍海躬撫諭之賊退海以狀聞朝命御史丁宣按賊事宣發牌招茂七茂七笑曰吾從尤溪取延平據建

寧塞二關之入傳檄以下八閩誰敢窺焉遂殺齋牌使者據王臺立總甲里長殺張都司其勢益熾

命侍郎薛希璉巡撫福建提督軍務○六月命侍郎楊瑄巡撫江西○秋七月以都督徐恭爲總兵官工部尚書石渠提督軍務討浙江賊葉宗留○八月以魏驥爲南京守尚書王英爲南京禮部尚書○九月命侍郎孫原貞守浙江都御史軒輊爲巡撫○冬十月雲南思機發叛以靖遠伯王驥總督軍務都督官聚爲總兵官張凱田禮爲副總兵帥師討之

時麓川思任發餘孽思機發復據孟養叛仍命驥督軍務官聚總兵張田禮副之調漢夷兵十三萬以行十月

耶代典則

卷十五

三十一

抵金沙江賊堅柵西岸以拒驥作浮梁渡兵攻破之乘勝進至孟養賊斂衆據鬼哭山及芒崖山等寨皆攻拔之思機發遁莫知所在大軍踰孟養至孟那等處而還詔增驥祿百石

封都督楊洪爲昌平伯克總兵官鎮守宣府

洪以漢中百戶調開平累功陞都指揮尋以都督守獨石敗虜於宣府大石門寶昌州斬首功二百封昌平伯充總兵官鎮守宣府虜畏之呼爲楊王

十一月兵部侍郎于謙丁母憂仍命起復理部事○福建賊鄧茂七遣別將陳德吳都總等由德化永春安溪寇泉郡知府熊尚初逆戰于五陵坡兵敗被執不屈死之○